

坤輿典第五十卷

輿圖部彙考八

後漢二

按後漢書郡國志陳留郡十七城戶十七萬七千五百二十九口八十六萬九千四百三十三
帝置雒陽東五百三十里

陳留有鳴鴈亭左傳成十六年衛伐鄭鳴鴈杜預曰在縣西北陳留志曰有桐陵亭古桐丘

浚儀本大梁帝王世紀曰禹避商均浚儀晉地道記儀封人此縣也通俗文曰渠在浚儀曰茭蕩
也 尉氏陳留志曰有陵樹鄉北有澤澤有天子苑囿有秦樂廡漢諸帝以馴養猛獸 雍

丘本杞國陳留志曰城內有神并能興霧雹案齊民北征記曰有呂祿臺高七丈有酈生祠曹植
禹廟讚曰有禹祠植移于其城城本名杞城襄邑有滑亭有承匡城左傳莊二年次於滑杜預曰
在縣西北地道記曰在縣西左傳文十一年會晉卻缺于承匡有桐門亭有黃門亭襄元年會酈
杜預曰縣東南有酈城 外黃有葵丘聚齊桓公會此城中有曲棘里有繁陽城左傳惠公季

年敗宋師于黃杜預曰宋邑縣東有黃城左傳昭二十五年宋公佐卒曲棘 小黃漢舊儀曰

高祖母起兵時死縣北爲作陵廟於小黃 東晉陳留志曰故戶牖鄉有陳平祠 濟陽有

武父鄉左傳桓十二年盟于武父杜預曰縣東北有武父城縣東南有武城縣都鄉有行宮光武

王 平丘有臨濟亭田儋死此有匡有黃池亭匡人之亭曹公破袁術處陳留志云黃亭在封

丘左傳哀十三年盟黃池杜預曰在縣南傳曰吳囚子服景伯以還及戶牖然卽黃池在戶牖西

或以爲外黃縣東溝非也 封丘有桐牢亭或曰古蟲牢博物記有狄溝卽敗狄于長丘是也

左傳成五年諸侯會蟲牢陳留志有鞠亭古鞠居 酸棗左傳鄭太叔至于廩延杜預曰縣北

有延津襄五年會城棣杜預曰縣西南有棣城東有地烏巢曹公破袁紹處陳留志曰城內有韓

王故宮闕 長垣侯國有匡城有蒲城有祭城陳留志曰孔子因此北征記城周三里左傳僖

十五年會杜丘次于匡杜預曰匡在縣西南昭十三年會平丘杜預曰縣西有平丘城左傳成九

年會于蒲杜預曰在縣西南史記曰孔子自匡過蒲陳留志云有子路祠杜預曰鄭祭封人仲邑

陳留志曰有邈伯玉墓及祠又西南有宛亭左傳僖二十八年衛人會盟宛濮注曰近濮水已吾

有大棘鄉有首鄉左傳宣二年鄭破宋師大棘杜預曰在襄邑縣南左傳桓八年齊侯師于首止杜預曰在襄邑東有首止城 考城故菑章帝更名故屬梁陳留志曰古戴國地名杜預曰戴

在外黃東南爾雅曰木立死曰菑呂氏春秋草鬱卽爲菑陳留志曰有箕子祠有穀亭古句瀆之

丘案本傳有蒲亭 圉故屬淮陽有高陽亭陳留志曰有萬人聚王邑破翟義積尸處前書今

高陽文穎曰高陽聚邑名在縣西 扶溝故屬淮陽

東郡十五城戶十三萬六千八百六十萬三千三百九十三 秦置去雒陽八百餘里

濮陽古昆吾國春秋時曰濮有鹹城或曰古鹹國有清丘有鉏城杜預曰古衛也帝王世紀曰顓

頊自窮聚徙商丘左傳曰衛顓頊之墟杜預曰帝丘昆吾氏因之故曰昆吾之墟縣城內有顓頊

冢皇覽曰冢在城門外廣陽里中博物記曰桑中在其中左傳僖十三年同會于鹹左傳曰宣十

二年盟清丘杜預曰縣東南 燕本南燕國有雍鄉有胙城古胙國有平陽亭有瓦亭有桃城

謝沈書曰赤眉攻雍鄉左傳哀十六年衛侯飲孔悝酒於平陽左傳曰定八年會于瓦注曰縣東

北史記曰春甲君說秦曰王又舉甲而拔桃入邢是也 白馬有韋鄉杜預曰縣東南有韋城

古豕韋氏之國

頓丘白虎通曰帝嚳冢在城臺陰野是也

東阿有清亭左傳桓十年會

于桃丘杜預曰縣東南有桃城襄十四年孫林父敗衛侯于阿澤杜預曰縣西南大澤魏志有渠

丘山左傳隱四年過于清是也

東武陽濕水出

范有秦亭左傳莊三十一年築臺于秦

地道記在縣西北

臨邑有沛廟

博平

聊城有夷儀聚有聶戚左傳僖元年邢遷于

夷儀左傳曰聊攝以東

發干

樂平侯國故清章帝更名

陽平侯國有莘亭有岡成

城杜預注傳曰衛作新臺在縣北衛殺公子伋之地故曰待諸莘秦封蔡澤爲岡成君未詳

衛公國本觀故國姚姓光武更名有河牧城有竿城左傳文元年會于戚鄭救晉中行氏晉敗鄭

鐵杜預曰戚城南有鐵丘前書故發干城

穀城春秋時小穀有嵩下聚左傳莊三十二年城

小穀杜預曰城中有管仲井又傳曰埋長狄榮如首於周首之北門杜預曰縣東北有周首亭左

傳僖二十六年追齊師至鄆杜預曰縣西有地名鄆下皇覽曰縣東十五里有項羽冢

東平國七城戶七萬九千一百四十四萬八千二百七十 故梁景帝分爲濟東國宣帝改雒

陽東六百七十二里

無鹽本宿國任姓有章城左傳昭二十五年臧會奔郕杜預曰縣東南有郕鄉亭古國左傳莊三
十年齊取郕 東平陸六國時曰平陸有闕亭有堂陽亭左傳桓十一年會于闕杜預曰在須

昌縣東南有闕城博物記云卽此亭是也故縣後省 富成 章壽張春秋曰夏漢曰壽良

光武改曰壽張有堂聚故聚屬京郡地道記曰有蚩尤祠狗城皇覽曰蚩尤冢在縣闕城中高五
丈 須昌故屬京郡有致密城古中都有陽穀城杜預曰須句古國在西北左傳僖三年會陽

穀杜預曰在縣北 寧陽故屬泰山

任城國三城戶三萬六千四百四十二口十九萬四千一百五十六 章帝元和元年分東平爲任
城雒陽東千一百里

任城本任國有桃聚光武破龐萌於桃鄉 亢父左傳襄十三年取邾杜預曰縣有邾亭哀六

年城邾瑕杜預曰縣北邾瑕城 樊

泰山郡十二城戶八千九百二十九口四十三萬七千三百一十七 高帝置雒陽東千四百里

奉高有明堂武帝造前書曰在縣西南四里左傳昭八年大蒐于紅至于商衛紅亭在縣西北杜

預曰接宋衛也

博有泰山廟岱山在西北有龜山有龍鄉城左傳定十年齊歸龜陰之田杜

預曰田在山北琴操孔子作龜山之操左傳成二年齊圍龍杜預曰在縣西南史記作隆又楚有

蜀之役杜預曰縣西北有蜀亭

梁甫侯國有菟裘城左傳隱公使營菟裘吾將老焉杜預曰

縣南有菟裘城

鉅平侯國有亭禪山有陽關亭卽古所禪亭亭者也左傳襄十七年師自陽

關桓六年會于成杜預曰縣東南成城卽孟孫之邑

嬴有鐵山

荏侯國

萊蕪有原

山潘水出杜預曰汶水出

蓋沂水出左傳會于防杜預曰在縣東南有防城

南武陽侯

國有顓臾城

南城故屬東海有東陽城呂氏春秋夏孔甲遊田于東陽賁山左傳哀八年克

東陽襄十九年城武城杜預曰南城縣哀十四年司馬葬丘與杜預曰縣西北有輿城

費侯

國故屬東海有祔亭有台亭曹騰封費是鄆縣費亭非此國左傳隱八年鄭歸祔杜預曰在縣東

南閔二年莒人歸共仲及密杜預曰縣有密如亭左傳襄十二年莒圍台杜預曰縣南有台亭牟

故國

濟北國五城戶四萬五千六百八十九口二十三萬五千八百九十七 和帝永元二年分泰山置

臣昭案濟北前漢之舊國此是經并泰山復分雒陽東千一百五十里

盧有平陰城有防門有光里有景茲山有敖山有清亭有長城至東海左傳隱三年齊鄭尋盧之盟杜預曰今縣故城有邾山在縣北成二年封銳司徒女石窳杜預曰縣東有地名石窳左傳襄十八年齊禦晉平陰塹防門杜預曰在縣北又齊登巫山以望晉師杜預曰在縣東北景茲山杜預曰在縣東南左傳曰先君獻武廢二山卽敖山具山左傳哀十一年齊伐魯及清是也史記蘇代說燕王曰齊有長城巨防巨防卽防門 蛇丘有遂鄉有下謹亭有鑄鄉城古遂國左傳莊十三年齊人滅遂左傳桓三年送姜氏于謹周武王未及下車封堯後於鑄左傳有棘地成公三年叔孫僑如所園杜預曰汶水北地有棘鄉東觀書有芳陘山 成本國左傳衛師入郕杜預曰東平剛父縣西南有郕鄉 荏平本屬東郡 剛左傳哀八年齊取闕杜預曰在縣北有闕鄉

山陽郡十城戶十萬九千八百九十八口六十萬六千九十一 故梁景帝分置雒陽東八百一十

里

昌邑刺史治有梁丘城有甲父亭左傳莊三十二年遇于梁丘杜預曰梁丘鄉在縣西南杜預曰甲父古國名在縣東南左傳隱十年取防杜預曰縣西有防城 東縉春秋時曰縉左傳僖二

十三年齊圍縉

鉅野有大野澤左傳桓七年焚咸丘杜預曰縣西有咸亭春秋西狩獲麟之

所爾雅十藪魯有大野杜預曰縣西南有郎亭定十三年齊伐晉之所

高平侯國故縻章帝

更有茅鄉城前漢志莽改曰高平章帝復莽此號左傳隱九年費伯城郎杜預曰縣東南有郁

郎亭杜預曰茅鄉在昌邑西南

湖陸故湖陵章帝更名前漢志王莽改曰湖陸章帝復其號

博物記曰荷水出地道記縣西有費亭城魏武帝初所封

南平陽侯國有漆亭有閭丘亭左

傳城漆左傳襄二十一年邾庶其以漆閭丘來奔杜預曰縣東北有漆鄉西北有顯閭亭哀七年

囚邾子貲瑕杜預曰縣西北有瑕丘城

方輿有武唐亭魯侯觀魚臺有泥母亭或曰古甯母

左傳桓二年盟于唐杜預曰在西南春秋經隱五年矢魚于棠左傳僖七年盟甯母杜預曰在縣

東三十一年臧文仲宿重館杜預曰縣西北有重鄉城

瑕丘

金鄉晉地道記曰縣多山

所治名金山山北有鑿石爲冢深十餘丈隧長三十丈傍却入爲堂三方云得白兔不葬更葬南

山鑿而得金故曰金山故冢今在或云漢昌邑所作或云秦時

防東

濟陰郡十一城戶十三萬三千七百一十五口六十五萬七千五百五十四 故梁景帝分置雒陽

東八百里

定陶本曹國古陶堯所居有三譙亭郭璞曰城中有陶丘皇覽曰伯樂冢縣東南一里所高四五丈帝王世紀曰舜陶河濱縣西南陶丘亭是湯伐三譙孔安國曰今定陶 宛句有煮棗城史

記蘇秦說魏襄王曰大王之地東有淮潁煮棗 成陽有堯冢靈臺有雷澤禹貢曰雷夏既澤

帝王世紀曰舜耕歷山漁雷澤濟陰有歷山 乘氏侯國有泗水有鹿城鄉博物記曰古乘丘

句陽有垂亭左傳隱八年遇于垂史記無忌說魏安僖王曰文臺驪垂都焚徐廣曰縣有垂亭

鄆城 離狐故屬東郡 廩丘故屬東郡有高魚城有運城左傳襄二十六年齊烏餘以廩

丘奔晉杜預曰今縣故城是又襲衛羊角取之杜預曰今縣所治城又襲我高魚杜預曰在縣東

北 單父侯國故屬山陽 成武故屬山陽有鄆城左傳隱七年戎執凡伯於楚丘杜預曰

在縣西南左傳隱十年取郕杜預曰縣東南有郕城地道記有嵒城 己氏故屬梁皇覽曰有

平和鄉鄉有伊尹冢

右竟州刺史部郡國八縣邑公侯國八十

東海郡十三城戶十四萬八千七百八十四口七十萬六千四百一十六 高帝置維陽東千五百里

鄒本國刺史治博物記曰有勇王亭卽勇士萬丘欣 蘭陵有次室亭地道記曰故魯次室邑

列女傳有漆室之女或作次室 戚 胸有鐵有伊盧鄉山海經曰都州在海中一曰郁州

郭璞曰在縣界世俗傳此山在蒼梧徙來上皆有南方樹木博物記縣東北海邊植石秦所立之

東門史記曰鍾離昧冢在伊盧鄉 襄賁 昌慮有藍鄉左傳昭三十一年邾黑肱以濫來

奔杜預曰縣所治城東北有鄉城鄉小邾國也 承 陰平 利城 合城渚水自北

南至湖陸 祝其有羽山春秋時曰祝其夾谷地殛鯀之山杜預曰在縣西南博物記曰東北

獨居山西南有淵水卽羽泉也俗謂此山爲懲父山左傳定十年會齊侯夾谷孔子相 厚丘

左傳成九年城中城杜預曰在縣西南有中鄉城 贛榆本屬琅邪建初五年復左傳齊伐莒

莒子奔紀鄆杜預曰縣東北有紀城地道記曰海中去岸百九十步有秦始皇碑長一丈八尺廣五尺厚八尺三寸一行十三字潮水至加其上三丈去則三尺見也

琅邪國十三城戶二萬八百四口五十七萬九百六十七 秦置建武中省城陽國以其縣屬案本紀永壽元年置都尉治雒陽東一千五百里。

開陽故屬東海建初五年屬東武杜預曰古邾左傳哀三年城啟陽杜預曰開陽 琅邪山海

經曰有琅邪臺在勃海間琅邪之東郭璞曰琅邪臨海邊有山嶠嶢特起狀如高臺此卽琅邪臺齊景公曰吾循海而南放乎琅邪越紀曰句踐徙琅邪起觀臺臺周七里以望東海史記曰秦始皇徙黔首三萬戶琅邪臺下傳有勞山 東莞有鄆亭有邳鄉有公來山或曰古浮來左傳曰

公處鄆左傳隱八年盟浮來杜預曰邳來山之間號曰邳來莊九年鮑叔受管仲及堂阜而脫之杜預曰東莞蒙陰縣西北有夷吾亭或曰鮑叔解夷吾縛於此因以爲名卽古堂阜也東莞後爲名 西海東觀書曰有勝山博物記太公呂望所出今有東呂鄉又釣於棘津其浦今存

諸左傳莊二十九年城諸杜預曰諸縣在城陽郡又言隱四年莒人伐杞取牟婁杜預曰縣東北

有婁鄉

莒本國故屬城陽有鐵有崢嶸谷左傳成八年申公巫臣會渠丘公杜預曰縣有遼

丘里

東安故屬城陽

陽都故屬城陽有牟臺左傳宣元年會于平州杜預曰在縣西

臨沂故屬東海有叢亭左傳隱六年盟于艾杜預曰縣東南有艾山七年城中丘杜預曰縣東北
有中丘亭博物記曰縣東界次睢有大叢社民謂之食人社卽次睢之社 卽丘侯國故屬東

海春秋時曰祝丘

繒侯國故屬東海有概亭左傳莊九年盟于薳杜預曰在縣北

姑幕

左傳昭五年莒牟夷以牟婁及防茲來奔杜預曰縣東北有茲亭博物記曰淮水入城東南五里
有公冶長墓

彭城國八城戶八萬六千一百七十口四十九萬三千二十七

高祖置爲楚章帝改雒陽東千二

百二十里

彭城有鐵古大彭邑北征記城西二十里有山山有楚元王墓伏滔北征記曰城北六里有山臨

泗有宋桓魋石槨皆青石隱起龜龍麟鳳之象

武原

傳陽有祖水左傳襄十年滅偃陽

杜預曰卽此縣也

呂

留西征記曰城中有張良廟

梧

菑丘

廣戚故屬沛

國

廣陵郡十一城戶八萬三千九百七口四十一萬百九十 景帝置爲江都武帝更名建武中省泗水國以其縣屬雒陽東一千六百四十里

廣陵有東陵亭吳王濞所都城周十四里半博物記曰女子杜姜左道通神縣以爲妖閉獄桎梏卒變形莫知所極以狀上因以其處爲廟祠號曰東陵聖母 江都有江水祠 高郵

平安 淩故屬泗水 東陽故屬臨淮有長洲澤吳王濞太倉在此縣多麋博物記曰十千

爲羣掘食草根其處成泥名曰麋唆民人隨此唆種稻不耕而穫其收百倍又扶海洲上有草名茀其實食之如大麥從七月稔熟民斂穫至冬乃訖名曰自然穀或曰禹餘糧 射陽故屬臨

淮有梁湖地道記曰有博文湖 鹽濱故屬臨淮 輿侯國故屬臨淮 堂邑故屬臨淮

有鐵春秋時曰堂 海西故屬東海

下邳國十七城戶十三萬六千三百八十九口六十一萬一千八十三 武帝置爲臨淮郡永平十

五年更爲下邳國雒陽東千四百里

下邳本屬東海葛嶧山本嶧陽山有鐵戴延之西征記曰有沂水自城西南注泗別下廻城南亦注泗舊有橋處張良與黃石公會此橋山出名桐伏滔北征記曰今槩根往往而存 徐本國

有樓亭或曰古夔林杜預曰在僮縣東南伏滔北征記曰縣北有大家徐君墓延陵解劍之處

僮侯國 睢陵 下相 淮陰下鄉有南昌亭韓信寄食處 淮浦 盱眙 高

山 潘旌 淮陵 取慮有蒲姑陂左傳昭十六年齊師至蒲隧杜預曰縣東有蒲姑陂

東城 曲陽侯國故屬東海 司吾侯國故屬東海 良城故屬東海春秋時曰良左傳

昭十三年晉會吳于良 夏丘故屬沛

右徐州刺史部郡國五縣邑侯國六十二 魏氏春秋曰初平三年分琅邪東海爲城陽新城

昌慮郡建安十一年省昌慮并東海

濟南郡十城戶七萬八千五百四十四口四十五萬三千三百八 故齊文帝分雒陽東千八百里

東平陵有鐵有譚城有天山故譚國 著 於陵杜預曰縣西北有于亭陳桓子以封齊公

子周 臺 營有賴亭左傳哀六年公如賴 土鼓 梁鄒 鄒平東朝陽杜預曰

縣西有崔城

歷城有鐵有巨里聚耿弇破費敢處皇覽曰太甲有冢在歷山上

平原郡九城戶十五萬五千五百八十八口百萬二千六百五十八 高帝置雒陽北一千三百里

平原地道記曰有篤馬河

高唐濕水出

般

鬲侯國夏時有鬲君滅浞立少康魏都

賦注曰縣有蓋節淵三齊記曰城南有蒲臺高八十尺秦始皇所頓處在臺下縈蒲繫馬今蒲猶

縈者

祝阿春秋時曰祝柯有野井亭左傳哀十年取犁及轅杜預曰縣西有轅城故縣省左

傳昭二十五年齊侯唁公于野井杜預曰在縣東

樂陵

濕陰

安德侯國

厭次

本富平明帝更名

樂安國九城戶七萬四千四百口四十二萬四千七十五 高帝西平昌置為千乘永元七年更名

雒陽東千五百二十里

臨濟本狄安帝更名地道記曰狄伐衛懿公

千乘

高苑

樂安

博昌有薄姑城

有貝中聚有時水左傳姑氏杜預曰薄姑地左傳齊侯田于貝丘杜預曰縣南有地名貝丘左傳

莊九年戰于乾時杜預曰時水在縣界岐流旱則竭涸故曰乾時

蓼城侯國杜預曰縣東北

有攝城 利故屬齊 益侯國故屬北海 壽光故屬北海有灌亭古灌國

北海國十八城戶十五萬八千六百四十一口八十五萬三千六百四 景帝置建武十三年有菑川高密膠東國三以其縣屬

劇有紀亭古紀國 營陵 平壽有斟城有寒亭古寒國泥封此杜預曰有斟亭古斟國故

縣後省 都昌左傳莊元年齊遷紀之鄆城地道記曰鄆城在縣西 安丘有渠丘亭地道

記曰有渠丘城 淳于永元九年復有密鄉左傳隱二年紀莒盟密故密鄉在縣東北後省

平昌侯國故屬琅邪有蔓鄉左傳昭五年莒牟夷以牟婁及防茲來奔杜預曰縣西南有婁亭

朱虛侯國故屬琅邪永初元年屬左傳莊元年齊遷紀鄆杜預曰朱虛縣東南有鄆城鄭志曰有

小泰山公玉帶曰岐伯令黃帝封泰山卽此山也 東安平故屬菑川六國時曰安平有鄆亭

故兆左傳莊三年紀季以鄆入于齊地道記有羌頭山 高密侯國 昌安侯國安帝復

夷安侯國安帝復 膠東侯國 卽墨侯國有棠鄉左傳襄六年圍棠杜預曰棠國也

壯武安帝復故夷國左傳隱元年紀伐夷 下密安帝復 拒地道記曰養澤在西幽州薺